

六
朝
詩
集

國語兩卷隋書 先子性華言幕中賄白乃極稱佳
詩集廿二冊以他文偏次而置多目鍾寬首乃以陝西
按察司別使武進薛仲章序云未嘗何人更參得書
以報後人四庫及各家藏書目錄均未見收以奉使
人多從三先生原委是書係梁武帝集一卷梁簡
文帝集二卷梁宣帝集二卷梁元帝集一卷後周
明帝集一卷陳後主集一卷隋煬帝集一卷陳思王
集四卷阮嗣宗集三卷嵇中散集一卷陸士衡集七
卷陸士龍集四卷謝康樂集一卷謝惠連集一卷張

宣城集五馬江文通集四馬鮑明遠集八馬劉孝綽集
一覽劉孝綽集二馬沈休文集一覽何遜集二覽
陸士衡集一馬王子淵集一馬庾亮集二覽鮑明遠集
陳思王何以傳言六般則之難可採者當多
何以傳言二十四家均不可解係指說之或係不全之
書乃十二板印錄言舊藏者存今藏下半係裁回
梁武帝集四馬中藏下半係裁回阮宗樞藏

年藏全條素因謝原素謝忠達謝宣誠未藏素因江
文通中藏素因鮑因遠百藏下半條素因劉孝綽劉孝綽
沈休文成藏素因何遜部陰市侍王謝家藏素因康
闕府均與原本相符又有墨肌板印抄言補藏素因
條素藏素因陳思王不藏素因陸士衡六與原本符金
遺失藏條之里已亡冊可以類推中為金卷六者既
完整後板亦有寶貴家修第恐有抄闕補破重訂
而藏之又抄張氏多漢魏六朝百三家集宋白老氏集
宣帝後周周帝陰帝侍中家附以冊多補藏素之

不足存名作之遺文即形書此自於心可互相致行誠
藝林不廢之書世間罕親之者讀此珍之

光緒辛巳年日吳江周煥文於蘇門守廬

六朝詩集序

今天下論詩者謂不關理論理者多病
詩一及六朝不遑究觀而襲聞傳聽已
槩擬其侈靡矣烏乎詩本性情表正污
隆理無不在不有獨見率同耳食未可
與論詩可與論理也與哉故曰商賜始
可與言詩也或謂六朝詩惡得與三百

篇比不知先民所詢聖人所擇狂夫采
薪咸為陳列故仲尼歸衛而正季札聘
魯而觀蓋未嘗遺乎列國之風也齊梁
間人士獨非閭巷歌謠棄妻思婦類耶
昔王通氏聖之修者也其所續詩今不
槩見然觀其稱士衡之文以及靈運之
傲休文之治鮑昭江淹之急以怨吳筠

孔珪之怪以怒謝莊王融之纖碎徐陵
庾信之誇誕孝綽兄弟之淫湘東諸王
之繁謝朓之捷江揔之虛顏延之王儵
任昉之約以則是其所謂續詩者大都
皆夫人之詩爾四名五志意義所繫豈
微乎哉然則斯集也其殆續詩之散逸
固匪直兩漢之餘波初唐之濫觴也矧

夫諸侯不貢詩行人不採風樂官不達
雅國史不明變而列代之風泯焉久矣
論世以徵化者於斯可以弗之觀耶方
山薛應旂為之序

皇明嘉靖歲在癸卯立秋二日

梁武帝集

詩

明月照高樓

圓魄當虛闥清光流思延延思照孤影棲怨還
自憐臺鏡早生塵匣琴又無絃悲慕屢傷節離
憂亟華年君如東扶景妾似西柳煙相去旣路
迴明晦亦殊懸願爲銅鐵轡以感長樂前

芳樹

綠樹始搖芳芳生非一葉一葉度春風芳芳自
相接色雜亂參差衆花紛重疊重疊不可思思

此誰能愜

河中之水歌

河中之水向東流，洛陽女兒名莫愁。十三能織綺，十四採桑南陌頭。十五嫁爲盧郎婦，十六生兒似一作字阿侯。盧家蘭室桂爲梁，中有鬱金蘇合香。頭上金釵十二行，足下絲履五文章。珊瑚挂鏡爛生光，平頭奴子擎履箱。人生富貴何所望，恨不早嫁東家王。

春歌

蘭葉始滿地，梅花已落枝。持此可憐意，摘以寄

心知

夏歌

江南蓮花開紅光復碧水色同心復同藕異心
無異閨中花如繡簾上露如珠欲知有所思停
織復踟躕○含桃落花日黃鳥營飛時君住馬
已疲妾去蠶已饑

秋歌

繡帶合懽結錦衣連理文懷情入夜月含笑出
朝雲○當信抱梁期莫聽回風音鏡上兩入髻
分明無兩心

冬歌

寒閨動黻帳密筵重錦席
賣眼拂長袖含笑留上客

長安有狹斜行

洛陽有曲陌曲曲不通驛
忽遇二少童扶轡問君宅
我宅邯鄲右易憶復可知
大息組綰緼中息佩陸離
小息尚青綺總角遊南皮
三息俱入門家臣拜門垂
三息俱入戶戶內有光儀
大婦理金翠中婦事玉觴
小婦獨閒暇調笙遊曲池
丈夫少徘徊鳳吹方

參差

閶闔篇

西漢本佳妍金馬望甘泉衛尉屯兵上期門曉
漏傳猶重河東賦欲知追神仙羽騎凌雲轉閶
闔帶空懸長旗掃月窟鳳迹輾星躔但使丹砂
就能令億萬年

白苧辭

朱絲玉柱羅象筵飛瑄促節舞少年短歌流目
未肯前含笑一轉私自憐

纖腰嫋嫋不任衣嬌怨獨立特爲誰赴曲君前

未忍歸上聲急調中心飛

桐柏曲

桐柏真昇帝賓戲伊谷遊洛濱參差列鳳筦容
與起梁塵望不可至徘徊謝時人

方丈曲

方丈上峻層雲挹八玉御三雲金書發幽會碧
簡吐玄門至道虛凝冥然共所遵

方諸曲

方諸上上雲人業守仁撝金集瑤池步光禮玉
晨霞蓋容長肅清虛伍列真

玉龜曲

玉龜山真長仙九光耀五雲生交帶要分影太
華冠晨纓耆如玄羅出入遊太清

金丹曲

紫霜耀絳雪飛追以還轉復飛九真道方微千
年不傳一傳裔雲衣

金陵曲

勾曲仙長樂遊洞天巡會迹六門揖玉板登金
門鳳泉迴肆驚羽降尋雲驚羽一流芳芬鬱氛

龍笛曲

美人綿眇在雲堂
雕金鏤竹眠玉床
婉愛寥亮繞紅梁
繞紅梁
流月臺駐狂風鬱徘徊

採蓮曲

遊戲五湖採蓮歸
發花田葉芳襲衣
爲君儂歌世所希
世所希
如有玉江南弄採蓮曲

採菱曲

江南稚女珠腕繩
金翠搖首紅顏興
桂棹容與歌採菱
歌採菱
心未怡翳羅袖望所思

遊女曲

氛氲蘭麝體芳滑容色玉耀眉如月珠珮嫋嫋
戲金闕戲金闕遊紫廷舞飛閣歌長生

朝雲曲

張樂陽臺歌上謁如寢如興芳晻曖容光旣艷
復還沒復還沒望不來巫山高心徘徊

鳳笙曲

綠耀尅碧彫琯笙朱唇玉指學鳳鳴流速參差
飛且停飛且停在鳳樓美嬌響間清謳

雍臺

日落登雍臺佳人殊未來綺窓蓮花掩網戶疏

端開茸茸臨紫桂蔓延交青苔月沒光陰盡望
子獨悠哉

楊叛兒

堯花初發紅芳草尚抽綠南音多有會偏重叛
兒曲

青青河畔草

幕幕繡戶絲悠悠懷昔期昔期久不歸鄉國曠
音輝音輝空結遲半寢覺如至既寤了無形與
君隔平生月以雲掩光葉以霜摧老當途競自
容莫肯爲妾道

有所思

誰言生離久
適意與君別
衣上芳猶在
握裏書未滅
腰中雙綺帶
夢為同心結
常恐所思露
瑤華未忍折

江南弄

衆花雜色滿上林
舒芳耀綠垂輕陰
連手躑躅舞春心
舞春心臨歲腴
中人望獨踟蹰

襄陽蹋銅鞮

陌頭征人去
閨中女下機
含情不能言
送別沾羅衣
草樹非一香
花葉百種色
寄語故情人
知

我心相憶龍門紫金鞍翠牦白玉羈照耀雙闕
下知是襄陽兒

天安寺蔬圃堂

乘和蕩猶豫此焉聊止息連山去無限長洲望
不極參差照光彩左右皆春色曖曖矚游絲出
沒看飛翼其樂信忘返倏然寧有飾

遊仙

水華究靈奧陽精測神秘具聞上仙訣留丹未
肯餌潛名遊柱史隱迹居郎位委曲鳳臺日分
明栢寢事蕭史暫徘徊待我升龍轡

登北顧樓

歌駕止行警廵輿暫遊識清道巡丘壑緩步肆
登陟鴈行上毛池羊腸轉相逼歷覽窮天步矚
矚盡地域南城連池險北顧臨水側深潭下無
底高岸長不測舊嶼石若構新洲花似織

首夏泛天池

薄遊朱明節泛漾天淵池舟楫互容與蘋藻相
推移碧沚紅菡萏白沙青漣漪新波拂舊石殘
花落故枝葉軟風易出草密路難披

七夕

白露月下圓秋氣枝上鮮瑤臺含碧霧羅幙生
紫烟妙會非綺節佳期乃涼年玉壺承夜急蘭
膏依曉煎昔悲漢難越今傷河易旋怨咽雙念
斷悽草兩情懸

望織女

盈盈一水邊夜夜空自憐不辭精衛苦河流未
可填寸情百重結一心兩處懸願作雙青鳥共
舒明鏡前

籍田

寅賓始日出律中方星鳥仁化洽孩蟲德令禁

胎天耕籍乘月映遺滯指秋杪年豐庶讓多歲
薄禮節少

逸民

如龍生木木有異心如林鳴鳥鳥有殊音如江
遊魚魚有浮沉岩岩山高湛湛水深事迹易見
理相難尋

遊鍾山大愛敬寺

才性之方便智力非善權歎逝比愆稔交臂乃
奢年從流既難及溺喪謂不然三苦恒追隨五
熱自燒然貪癡養憂畏熱惱坐焦煎道心理歸

終信首故宜先駕言追善友迴輿尋勝緣面勢
周大地縈帶及長川稜層疊嶂遠迤邐磴道懸
朝日照花林光風起香山瑟居超七淨梵住喻
八禪始得展身敬方乃遠心虔菩提聖種子十
方良福田正趣果上果歸依天中天以我初覺
意貽爾後來賢

和太子懺悔

玉泉漏向盡金門光未成繚繞聞天樂周流揚
梵聲蘭湯浴身垢懺悔淨心靈蕞草獲再鮮落
花蒙重榮

十喻幻

揮霍變三有恍惚隨六塵蘭園種五果雕案出
八珍對見不可信熟視事非真空生四岳想徒
勞七識神著幻是幻者知幻非幻人

如炎

亂念瞞長原例見望遙扁逶迤似江漢汎濫若
滄溟金波揚素沫銀浪翻綠萍遠思如可取近
至了無形熱緣熱惚逼渴愛渴心生

靈空

物情異所異世心同所同狀如薪遇火亦似草

行風迷惑三界裡顛倒六趣中五愛性洞遠十
相法靈冲皆從妄所妄無非空對空

乾闥婆

靈海自己極滄流去無邊蜃蛤生異氣闥婆鬱
中天青城接丹霄金樓帶素烟皆從坐見起非
是物理然因被凡俗喻此中玄又玄

夢

甘寢隨四坐蓋睡還五衆違從競分諍美惡相
戲弄出家爲上首入仕作梁棟色已非真實聞
見皆靈洞長眼出長夜大覺和大夢

會三教

少時學周孔弱冠窮六經中復觀道書有名與
無名妙術鏤金版真言隱上清密行貴陰德顯
證表長齡晚年開釋卷猶日映衆星苦集始覺
知因果乃方明示教惟平等至理歸無生

擣衣

駕言易水北送別河之陽沉思慘行鏹結夢在
空牀旣寤丹綠謬始知紈素傷中洲木葉下邊
城應早霜陰蟲日慘烈庭草復云黃金風徂清
夜明月懸洞房嫋嫋同宮女助我理衣裳參差

夕杵引哀怨秋砧揚輕羅飛玉腕弱翠低紅粧
朱顏日已興盼睇色增光擣以一匪石文成雙
鴛鴦制握斷金刀薰用如蘭芳佳期久不歸持
此寄寒鄉妾身誰與容思君苦入腸

梁簡文帝集卷上

古風

烏夜啼

綠草庭中望明月
碧玉堂裏對金鋪
鳴絃撥攄發初異
挑琴欲吹衆曲殊
不疑三足朝含影
直言九子夜相呼
羞言獨眠枕下流
託道單棲城上烏

行幸甘泉宮

雉歸海冰寂
裘來重譯通
吉行五十里
隨處宿離宮
鼓聲怕入地
塵飛上暗空
赦書隨豹尾
太

史逐相風銅鳴周國旛旗曳楚雲虹倖臣射覆
罷從騎新歌終董逃拜金紫賢妻侍禁中不羨
神仙侶排煙逐駕鴻

長安有狹斜行

長安有徑塗徑徑不通輿道逢覆轡扶輪問
我居我居青門北可憶復易尋大息騫金勒中
息縮黃銀小息始得意黃頭作弄臣三息俱入
門雅志揚清塵三息俱上堂觴肴滿四陳三息
俱入戶照耀光容新大婦舒綺綰中婦拂羅巾
小婦最容冶映鏡學嬌顰丈人且安坐清謳出

絳脣

豔歌行

凌晨光景麗倡女鳳樓中
前瞻削成小傍望卷
旌空分妝閒淺靨繞臉傳斜紅
張琴未調軫飲
吹不全終自知心所愛出入仕秦宮
誰言連尹
屈更是莫敖通輕輶綴皂蓋飛轡轡
雲驄金鞍
隨繁尾銜璫映纏駿戈縷荆山玉
劒飾丹陽銅
左把蘇合彈傍持大屈弓控絃因鵲血
挽彊用
牛螭弋獵多登隴酣歌每入豐輝輝
隱落日冉
冉還房櫳燈生陽燧火塵散鯉魚風
流蘇時下

帳象簾復韜筒霧暗牕前柳寒疎井上桐女蘿
託松際甘瓜蔓井東拳拳恃君寵歲暮望無窮

春江行

客行祇念路相爭度京口誰知堤上人拭淚空
搔手

苦熱行

六龍驚不息三伏啓炎陽寢興煩几案俯仰倦
幃牀滂沱汗似鑠微靡風如湯洄池愧玉浪蘭
殿非含霜細簾時半卷輕幌乍橫張雲斜花影
沒日落荷心香願見洪崖井詎憐河朔觴

權歌行

妾家住湘川菱歌本自便
颯生鮮刺浪水深能
捉船葉亂由牽荇絲飄為折蓮
濺妝疑薄汗沾
衣似故湔浣沙流暫濁汰錦色還鮮
參同趙飛燕
借問李延年從來入絃管誰在權歌前

從軍行

貳師惜善馬樓蘭貪漢財
前年出石池今歲謝
輪臺魚雲望旗聚龍沙隨陣開
冰城朝冷鐵地
道夜銜枚將軍號令密
天子璽書催何時反舊
里遙見下機來雲中亭障羽檄驚
甘泉烽火通

夜明貳師將軍新築營嫖姚校尉初出征復有
西山將絕世受雄名三門應遁甲五壘學神兵
白雲隨陣色蒼山答鼓聲迤邐觀鷲翼參差覩
鴈行先平小月陣却滅大宛城善馬來長樂黃
金付水衡小婦趙人能鼓瑟侍婢初笄解鄭聲
庭前桃花飛已合必應紅妝來起迎

怨歌行

十五頗有餘日照杏梁初蛾眉本多嫉掩鼻特
成虛持此傾城貌翻爲不肖軀秋風吹海水寒
霜依玉除月光臨戶駛荷花依浪舒望簷悲雙

翼窺沼泣前魚苦生履處沒草合行人踈裂紉
傷不盡歸骨恨難祛早知長信別不避後園興

隴西行

邊秋胡馬肥雪中驚寇入勇氣時無侶輕兵救
邊急沙平不見虜嶂嶮還相及出塞豈成歌經
川未遑汲烏孫塗更阻康居路猶澁月暈抱龍
城星流照馬邑長安路還書不還寧知征人獨
佇立

隴西四戰地羽檄歲時聞護羌擁漢節校尉立
光勳石門鐫鎮騎冰城息夜軍洗兵逢驟雨送

陣出黃雲沙長無止消水脉屢縈分當思勒燕
鼎無用想羅裙

悠悠懸旆旌知向隴西行減竈驅前馬銜枚進
後兵沙飛朝似幕雲起夜疑城迴山時阻踞絕
水極稽程往年郵支服今歲單于平方觀凱樂
盛飛蓋滿西京

鴈門太守行

輕霜中夜下黃葉遠辭枝寒苦春難覺邊城秋
易知風急柝旗斷塗長鎧馬疲少解孫吳法家
本幽并兒非關買鴈肉徒勞皇甫規

上留田行

正月土膏初飲發天馬照耀動農祥田家斗酒
群相勞爲歌長安金鳳凰

君子行

君子懷琬琰不使涅塵淄從容于雲閣寂寞仲
舒帷多謝悠悠子管窺良可悲

滛豫歌

滛豫大如服瞿塘不可觸金沙浮轉多桂浦忌
經過

金樂歌

槐香欲覆井楊柳正藏鴉山鑪當無比玉火
聰賒床頭辟繩結鏡上領巾斜鐵鐘種梁子銅
樞生秦花開門拋水柱城暗特言家

東飛伯勞歌

翻階蛺蝶戀花情容華飛燕相逢迎誰家總角
岐路陰裁紅點翠愁人心天窓綺井暖徘徊珠
簾玉篴明鏡臺可憐年幾十三四工歌巧舞入
人意白日西落楊柳垂含情美態兩相知

西飛迷雀東羈雉倡樓秦女乍相隨誰家妖麗
隣中止輕粧薄粉光閭里網戶珠綴曲璫鈎芳

裊翠被香氣流少年年幾方三六含嬌聚態傾
人目餘香落蕊坐相催可憐絕世誰爲媒

採菱曲

菱花落復含桑女罷新蠶桂棹浮星艇徘徊蓮
葉南

烏棲曲

芙蓉作船絲作紉北斗橫天月將落採蓮渡頭
碍黃河郎今欲渡畏風波

浮雲似帳月如鉤那能夜夜南陌頭宜城投泊
今行熟停鞍繫馬暫栖宿

青牛丹轂七香車可憐今夜宿倡家倡家高對
烏欵棲羅幃翠帳任君低
織成屏風金屈膝朱唇玉面燈前出相看氣息
望君憐誰能含羞不自前

夜夜曲

靄靄夜中霜河開向曉光枕啼常帶粉身眠不
著床蘭膏盡更益熏爐滅復香但問愁多少便
知夜短長

當爐曲

十五正團團流光滿上蘭當爐設夜酒宿客解

金鞍迎來挾琴易送別唱歌難欲知心恨急翻
令衣帶寬

採蓮曲

晚日照空磯採蓮承晚暉風起湖南度蓮多摘
未稀棹動芙蓉落船移白鷺飛荷絲傍繞腕菱
角遠牽衣常聞蕖可愛採擷欲爲裙葉滑不留
綫心忙無假薰千春誰與樂唯有妾隨君

雍州曲

南湖荇葉浮復有佳期遊銀綸翡翠釣玉舳芙
蓉丹荷香亂衣麝燒聲送急流

桃花曲

但使新花艷得間美人簪何須論後實然結子
瑕心

昇仙篇

少室堪求道明光可學仙丹繒碧林宇綠玉黃
金篇雲車了無轍風馬詎須鞭靈桃恒可餌幾
迴三千年

美女篇

佳麗盡關情風流最有名約黃能效月裁金巧
作星粉光勝玉靚衫薄擬蟬輕密態隨流臉嬌

歌逐軟聲朱顏半已醉微咲隱香屏

採菊篇

月精麗草散秋株洛陽小婦絕妍姝相喚提筐
採菊珠朝起露濕霑羅襦東方千騎從驪駒更
不下山逢故夫

京洛篇

南遊偃師縣斜上霸陵東回瞻龍首堞遙望德
陽宮重門遠照耀天閣復穹窿城傍疑複道樹
裡識松風黃沙入洛水丹泉繞射熊夜輪懸素
鳬朝光蕩碧空秋霜曉驅雁春雨暮成紅咸陽

造甲第高安還禁中劉蒼婦作相竇憲出臨戎
此時車馬合茲晨冠蓋通誰知兩京盛觀宴遂
無窮

霹靂引

來從東海上發自南山陽時逢連鼓響乍散投
壺光飛車走四瑞繞電發時祥令去於斯表殺
來永傳芳

貞女引

借問懷春臺百尺凌雲霧北有歲寒松南臨女
貞對庭花對帷滿隙月依枝度但使明妾心無

嗟坐遲暮

龍丘引

龍丘一回首楚路蒼無極水照弄珠影雲吐陽
臺色浦狹村煙度洲長歸鳥息遊蕩逐春心空
憐無羽翼

明君詞

玉豔光瑤質金鈿婉儵紅一去葡萄觀長別披
香宮秋簷照漢月愁帳入胡風妙工偏見詆無
由情恨通

茱萸女

菜萸生狹斜結子復銜花
相逢纖手摘濫得映
鈿華雜與鬟簪插偶逐
鬢鈿斜東西爭贈玉綬
橫來問家不無夫壻馬
空駐使君車

妾薄命

名都多麗質本自恃容姿
蕩子行未至秋胡無
定期毛嫵歎紅臉長顰
串翠眉奩鏡迷朝色縫
針脆故絲本異搖舟咎
何關竊席疑生離誰拊
背溘死詎來遲王嬌貌
本絕跟踰入氎帷盧姬
嫁日晚非復年少時轉
山猶可逐烏白望難期
妾心徒自苦傍人會見
嗤

雞鳴高樹顛

碧玉好名倡夫壻得中郎桃花全覆井金門半
隱堂時欣一來下復比雙鴛鴦雞鳴天尚早東
烏定未光

當置酒

置酒宴嘉賓矚迴臨飛觀絕嶺隔天餘長嶼橫
江半日色花上綺風光水中亂三益既歲稔四
始方蕊繁

長安道

神臯開隴右陸海實西秦金塹抵長樂複道向

宜春落花依度憶垂柳拂行人金張及許史
夜尚留賓

江南思

桂楫晚應旋歷岸扣輕舷紫荷擎釣鯉銅筐插
短蓮人歸浦口暗那得久回船

江南有妙妓時則應璿樞月暈蘆灰缺秋還懸
炭枯含丹和九轉芳對蔭三株何辭天后誚終
是到仙都

上之回

前旆拂回中後車臨桂宮輕絲駐雲罕春色遶

川風杳林方灼灼柳路日曛曛笳聲駭胡騎清
磬龍言山戎微臣今拜手願帝永無窮

中婦織流黃

翻花滿階砌愁人獨上機浮雲西北起孔雀東
南飛調絲時繞腕易鐏乍牽衣鳴梭逐動釧紅
妝映落暉

泛舟橫大江

滄波白日暉遊子出王畿旁望重山轉前觀遠
帆稀廣水浮雲吹江風引夜衣旅鴈同洲宿寒
鳬夾浦飛行客誰多病當念早旋歸

愛妾換馬

功名幸多種何事苦生離誰言似白玉定是媿
青驪必取匣中劍迴作飾金羈真成恨不已願
得路傍兒

樹中草

幸有青袍色聊因翠幄凋雖間珊瑚蒂非是合
歡條

採桑

春色映空來先發院邊梅細萍重疊長新花歷
亂開連珂往河上接幃至叢臺窈窕可憐妾當

窗望飛蝶忌跌行衫領熨斗成褫褊寄語採桑
伴訝今春日短枝高攀不及葉細籠難滿

蜀國絃

銅梁指斜谷劒道望中區通星上分野作固下
爲都雅歌因良守妙舞自巴渝陽城嬉樂盛劍
騎鬱相趨五婦行難至百兩好遊娛牲祈望帝
祀酒醑蜀侯誅江妃納重聘卓女愛將雛脫衫
漣錦浪回扇避陽烏聞君握節返賤妾下城隅

雉朝飛操

晨光照麥畿平野度春暈遊鷹時聳角如籠或

斜飛少年從遠役有恨意多違不如隨蕩子羅
袂拂塵衣

雙燕離

覆燕有雄雌照日兩差池銜花落北戶逐蝶上
南枝桂棟本曾宿虹梁早自窺願得長如此無
令雙燕離

洛陽道

洛陽佳麗所大道滿春光遊童時挾彈蚕妾始
提筐金鞍照龍馬羅袂拂春桑玉車爭曉入潘
果溢高箱

有所思

昔未離長信金翠奉乘輿何言人事異夙昔故
恩踈寂寞錦筵靜玲瓏玉殿虛掩閨泣團扇羅
幌詠薜蘿

臨高臺

高臺半行雲望望高不極草樹無參差山河同
一色彷彿洛陽道道遠難別識玉階故情人情
來共相憶

蜀道難

建平督郵道魚復永安宮若奏巴渝曲時當君

思中巫山七百里巴水三面曲笛聲下復高猿
啼斷還續

棗下何纂纂

垂花臨碧澗結翠依丹巘非直入遊宮無期植
靈苑落日芳春暮遊人歌吹晚弱刺引羅衣朱
實凌還憶且歡洛浦詞無羨安期遠

獨處愁

獨處恒多怨開幕試臨風彈碁鏡奩上傳粉高
樓中自君征馬去音信不曾通只恐金屏掩明
年已復空

紫騮馬

賤妾朝下機正值良人歸青絲懸玉蹬朱汗染
香衣驟急珂彌響蹄多塵亂飛雕鞍幸可薦故
心君莫違

新城安樂宮

遙看雲霧中刻桷映丹紅珠簾通曉日金華拂
夜風欲知歌管處來過安樂宮

楚妃歎

閨閒漏永永漏長宵寂寂草螢飛夜戶絲蟲遶
秋壁薄笑未爲欣微嘆還成戚金簪髻下垂玉

飭衣前滴

度關山

關山遠可度遠度復難思直指遮歸道都護總
前期力農爭地利轉戰逐天時材官蹶張皆命
中弘農越騎盡塞旗塞旗遠不息驅虜何窮極
狼居一封難再覩關氏永去無容色銳氣且橫
行朱旗亂日精先屠光祿塞却破夫人城凱還
歸舊里非是銜功名

怨詩

秋風與白團本自不相安新人及故愛意氣豈

能寬黃金肘後鈴白玉按前盤誰堪空對此還
成無歲寒

梁簡文帝集終

集終

集終

梁簡文帝集卷下

雜詩

朝日

團團出天外
煜煜上層峰
光隨浪高下
影逐樹輕濃

望月

流輝入畫堂
初照上梅梁
形同北子鏡
影類九秋霜
桂花那不落
團扇與誰粧
空聞北窓彈
未舉西園觴

賦得入堦雨

細雨堦前入灑砌復沾
帟漬花枝覺重濕鳥羽
飛遲倘令斜日照併飲
似蓬絲

同劉咨議詠春雪

晚霞飛銀鑠浮雲暗未
開入池消不積因風墮
復來思婦流黃素溫姬
玉鎖臺看花言可挿定
自非春梅

雪朝

同雲凝暝序嚴陰屯廣
隰落梅飛四注翻雲舞
三襲實斷望如連恒分
似相及已觀池影亂復
視簾珠濕

開霽

景落商飈靜煙開四郊謐
偃蹇暮山虹遊揚峰
下日水紋城上動城樓水中出
竟微共泊功空
卧淮陽秩

雨後

散絲與山氣忽合復俄晴
雷音稍入嶺電影尚
連城雨餘雲稍薄風收熱復生

詠風

飄颻散芳勢泛漾下蓬萊
傳涼入鏤檻發氣滿
離臺委未周邦偃飛觀宋都迴
亟搖故葉落屢

蕩新花開暫舞驚鳬去時送蕊香來已拂巫山
雨何用卷寒灰

晚春

紫蘭葉初滿黃鶯弄不稀石蹲還似獸蘿長更
如衣水曲文魚聚林暝鴉鳥飛渚浦變新節岩
桐長舊圍風花落未已山牕開夜扉

春日想上林

春風本自奇楊柳最相宜柳條恒着地楊花好
上衣處處春心動常惜光陰移西京董賢館南
苑習都池荇間魚共樂桃上鳥相窺香車雲母

憶馭馬黃金羈

初秋

羽翬晨猶動珠汗晝恒揮秋風忽嫋嫋向夕引
涼歸浮陰即染浪清氣始乘衣卷幌通河色開
窓望月輝晚花欄下照疎螢簾上飛直置猶如
此何況送將歸

秋夜

育風度函谷墜露下芳枝綠潭倒雲氣青山銜
月規花心風上轉葉影樹中移外遊獸千里夕
嘆共誰知

九日

是節協陽數高秋氣已精簷芝逐月啓帷風依
夜清遠燭成歌黛斜橋聞屐聲梁塵下未息共
愛賞年并

大同

喧塵是時息靜坐對重巒冬深柳條落雪後桂
枝殘星明霧色盡天白鴈行單雲飛乍想閣冰
結遠疑紈晚橘隱重屏枯藤帶迴竿兵陰連水
氣山峯深處寒

玄圃寒夕

洞庭門未掩金壺漏已催曠煙生澗曲暗色起
林隈雪花無有蒂冰鏡不安臺堦楊始倒挿浦
桂半新栽陳根委落蕙細葉發香梅鴈去銜蘆
上獺戲繞枝來

冬夕

茲園植藝積山谷久紆歲貴與最多緒真事亦
因依是節嚴冬景寒雲曳落暉遠聞風瑟瑟亂
視雪霏霏浪起川難渡林深人至稀山禽背徑
走野鳥歷塘飛

春宵

花樹含春葉羅幃夜夜空風聲隨篠韻月色與
池同綵牋徒自裊無信往雲中

冬曉

冬朝日落梁含怨下前床帳牽竹葉帶鏡轉菱
花光會是無人見何用早紅粧

上巳侍宴林光殿曲水

芳年留帝賞應物動天禁挾苑連金陣分衢度
羽林帷宮對廣掖層殿邇高岑風旗爭曳影亭
罕共生陰對花初墮地池荷欲吐心

和湘東王首夏

冷風雜細雨垂雲助表涼竹水俱葱翠花蝶兩
飛翔燕泥銜復落鷓鴣吟更揚卧石藤為纜山
橋樹作梁欲待萼池上明月吐清光

琵琶峽

由來歷山川此地獨廻還百嶺相紆蔽千崖共
隱天橫峯時碍水斷岸或通川還瞻已迷向直
去復疑前夕波照孤月山枝歛夜烟此時愁緒
密

九遷

和登北嶺梅樓

春陵佳氣地濟水鳳凰宮况此徐方域川岳萬

周禮皇情愛歷覽遊涉擬空同聊驅式道候無
勞襄野童霧崖開早日晴天歇映虹去帆入雲
裏遙星出海中

侍遊新亭應令

神襟愍行邁岐路愴徘徊遙瞻十里陌傍望九
成臺鳳管流虛谷龍騎藉春苔曉光浮野映朝
烟承日回沙文浪中積春陰江上來柳葉帶風
轉桃花含雨開聖情蘊殊綺禮表英才顧憐
珎珠質何以麗瓊環

餞廬陵內史王脩應令

餞行臨上節開筵命羽觴迴池瀉飛棟濃雲垂
畫堂踈槐未合影返日漸流光園梅斂新藻階
蕙結初芳

一 守東平中華門開

脂車向直道總轡息中華落闕猶待漏交戟未
通車薄雲初啓雨曙色始成霞塹流鋪紫若城
風泛橘花絃誦終無取領已自懷嗟

贈張纘

儀表咸推挹墻仞難窺踐既富垂帷學復折波
濤辯綺思暖霞飛清文煥颺轉朱旗赫容與雕

繁紛華煜波搖白鱧舟風動蒼鷹軸九疑勢參
差江天相蔽虧三春澧浦葉九月洞庭枝洞庭
枝嫋娜澧浦葉參差芬芳與搖落俱應傷別離

餞別

行樂出南皮讌餞臨華池籜解篁開節花暗鳥
迷枝窓陰隨影度水色帶風移徒命銜杯酒終
成憫別離

送別

行行異沂海依依別路岐水苔隨纜聚岍柳拂
舟垂石菌生懸葉江槎流卧枝燭盡悲當去酒

滿惜將離

餞臨海太守劉孝儀蜀郡太守劉孝勝
碣石臨東海峨眉拒西候兩柱昔夾河二龍今
出守方夜無犬驚向牛神鬪涼風遶輕幙麥
雨交新溜念此一銜觴懷離在惟舊

登烽火樓

聳登樓排出却堞帶江清陟峯試遠望鬱鬱盡
郊京萬邑王畿曠三條綺陌平巨原橫地險孤
嶼派流生悠悠歸棹渺渺去帆驚水烟浮岸起
遙禽逐霧征

奉和南平王康賓朱櫻

倒流映碧叢，照露擎朱實。
花茂蝶爭飛，枝濃鳥相失。
已釃金釵瓜，仍美玉盤橘。
寧異梅似丸，不羨萍如日。
永植平臺垂長與，雲桂密徒然。
奉推甘終似愧，操筆

和蕭東陽祀七里廟

萬里實幽宗，三神亦天構。
豈謂木石精，斯乃山川守。
遠來太白旗，遙徵青鳥候。
以茲敬弗怠，方知教應富。

漢高廟賽

玉軼朝行動閭閻旦夜開白雲蒼梧去丹鳳咸
陽來日正山無影城斜漢屢迴瞻流如地脉望
嶺匹天台欲祛九秋恨聊舉十千杯

雪裏覓梅花

絕訝梅老曉爭來雪裡窺下枝低可見高處遠
難知俱羞惜腕露相讓到腰羸定須還剪采學
作兩三枝

舞

戚里多妖麗重聘夢燕餘逐節工新舞嬌態似
凌虛納花承稱概垂翠逐當舒扇開袖影亂巾

度履行踈徒勞交甫憶自有專城居

又

可憐二八初逐節似飛鴻懸勝河陽妓聞與淮南同
入行看履進轉面望鬟空腕動昭花玉衫隨如意風
上客何須起啼鳥曲未終

琴臺

蕪陌踐昔徑復想鳴琴遊音容萬春罷高名千載
畱弱枝生古樹舊石染新流由來遞相嘆逝川終不
收

詠人棄妾

昔時嬌玉步含笑花燭邊豈言心愛斷
啣啼私自憐常見歡成怨非關醜易妍
獨鵲罷中路孤鴛鸞鏡前

美人觀畫

殿上圖神女宮裏出家人可憐俱是畫
誰能辯僞真分明淨眉目一種細腰身
所可特爲異長有好精神

林下妓

炎光向夕歛促宴臨前池泉深影相得
花與面相宜管聲長鳴弄舞袂寫風枝
歡樂不知醉千

秋常若斯

笙篴

揜遲初挑吹弄急時催舞釧響逐絃鳴衫回半
鄣桂知知心不平君看黛眉聚

棗

浮華齊水麗垂採鄭都寄白英紛靡靡紫實標
離離風搖羊角樹日映鷄心枝穀城踰石蜜蓬
岳表仙儀已聞安邑美永茂玉門垂

西齋行馬

晨風白金絡桃夭紫玉珂影斜鞭照曜塵起足

蹉跎任俠稱六輔輕薄出三河風吹鳳凰袖日
映織成靴遠江艫舳少遙山煙霧多雲開瑪瑙
葉水淨琉璃波廣路拂青柳廻塘繞碧莎不效
孫吳術寧須趙李過

登山馬

登山馬閒對玉勒黃金裝草合宜韉短影轉見
鞭長何殊八公岫暫上淮南王

繫馬

青驪深赭汗綠地懸花蹄未垂青韉尾猶挂紫
障泥蹠足絆中憤搖頭櫪上嘶紫關如未息直

去取榆溪

登板橋詠洲中獨鶴

遠霧旦氛氲單飛纔可分孤鶩宿嶼浦羈吟下
江濱意感東西水心迷四面雲誰知獨辛苦江
上念離羣

賦得舞鶴

來自芝田遠飛度武溪深振迅依吳市差池逐
晉琴寄聲傳迴澗動翅拂花林欲知情外物伊
洛有清潯

鬪雞

歡樂良無已東郊春可遊
百花非一色新田多異流
龍尾橫津漢車箱起戍樓
玉冠初警敵芥羽忽猜儔
十日嬌旣滿九勝勢恒遒
脫使田饒見堪能說魯侯

隴坻鴈

高翔憚濶海下去怯虞機
霧暗早相失沙明還共飛
隴狹朝聲亂風急暝行稀
雖殄輪臺援未解龍城圍
相思不得返且寄別書歸

詠燹

新禽應節歸俱向吹樓飛
入簾驚釧嚮來窓礙

舞衣

一燕海上來一燕高堂息一朝相逢遇依然舊
相識問爾來何遲山川幾紆直答言海路長風
駛飛無力

昔別縫羅衣春風初入帷今來夏欲晚桑扈薄
對飛

詠螢

本將秋草並今與夕風輕騰空類星霄拂樹若
花生屏疑神火照簾似夜珠明逢君拾光彩不
忭此身傾

三韻

珠簾向幕下妖姿不可追
花風暗裡覺蘭燭帳
中飛何時玉窓裏
夜夜更縫衣

蛺蝶

空園暮烟起逍遙獨未歸
翠鬣藏高柳紅蓮拂
水衣復此從風蝶
雙雙花上飛
寄與相知者
同心終莫違

蜂

逐風從泛漾
照日乍依微
知君不留眄
銜花空
自飛

飛來鵷鵠

飛從何處來似出上林隈
口銜長生葉翅染昆
吾苦

早蟬

草歇鷓鳴初蟬思花落後乍飲三危露時蔭五
官柳莊書晒鵬翼衛賦宜螭首桂封可淹留勿
謂山中久

夜望單飛鴈

天霜河白夜星稀一鴈聲高何處歸
早知半路應相失不似從來本獨飛

單鳬

銜苔入淺水刷羽向沙洲孤飛本欲去得影更
淹留

迴水浮輕浪沙場弄羽衣眇眇隨山沒離離傍
海飛

鳴雞

埒鷄識將曙長鳴高樹顛啄葉疑彰影排花強
欲前意氣多驚舉颺飄獨無侶陳思助鬪協狸
膏邱昭妬敵安金距丹山可愛有鳳凰金門飛
舞有鴛鴦何如五德美豈勝千里翔

詠柳

垂陰滿上路結草早知春花絮時隨鳥風枝屢
拂塵欲散依依采時要歌吹人

簷椒

曖曖陽雲臺春椒發新梅椒枝無極軟春風隨
意來潭拖青帷閉玲瓏朱扇開佳人有所望車
聲非是雷

檉

凌寒競真節負雪固難虧無慚雲母桂詎減珊
瑚枝

楓

萎綠映青葭
疏紅分浪白
花葉灑行舟
仍持送遠客

梔子

素華偏可喜
的的半臨池
疑爲霜裡葉
復類雪封枝
日斜光隱見
風還影合離

初菴

初桃麗新采
照地吐其芳
枝間留紫燕
葉裡發輕香
飛花入露井
交榦拂華堂
若映牕前柳
懸疑紅粉粧

橘

菱蕤映庭樹枝葉凌秋芳故條雜新實金翠共
含霜攀枝折縹緗甘旨若瓊漿無假存雕飾玉
盤余自嘗

芙蓉

圓花一蒂卷交葉半心開影前光照耀香裡蝶
徘徊欣隨玉露點不逐秋風催

藤

纖條寄喬木弱影掣風斜標春抽晚翠出霧有
懸花

香茅

銅津與鳴琴俱稱類君子豈若江淮間發葉超
衆美珍同自牧歸茅因彙征起豈獨邁秦衡方
知茂元汴

煙

浮雲覆雜影含露密花藤乍如洛霞發頗似巫
山登映光飛百仞從風散九層欲持翡翠色時
吐鯨魚燈

祠伍真廟

去國資孝本循忠全令名舟中多寄計蘆中復

吐誠偃月交吳艦魚麗入楚管光功摧妙手載
籍有餘聲洪濤猶鼓怒靈廟尚淒清行潦承椒
奠按歌雜鳳笙無勞晉后璧詎用楚臣纓密樹
臨寒水疎扉望遠城窓寮野霧入衣帳積苔生
惟有三清鳥歛翅時逢迎

仙客

漆水豈難變桐刀乍可揮青書長命錄紫水美
蓉衣高翔五岳小低望九河微穿池聽龍長叱
石待羊歸酒闌時節久桃生歲月稀

十空如幻

漢安設大響周穆置高臺三里生雲霧瞬息起
水雷空持生識縛徒用長心灾慧人恒棄捨庸
識屢遭迴六塵俱不實三界信悠哉

水月

圓輪既照水初生亦映流溶溶如漬璧的的似
沉鈎非關顧兔設豈是桂枝浮空令誰雅識還
用喜騰猴萬累若消蕩一相更何求

如響

疊嶂迥參差連峯欲相拒遠聞如句味遙應成
言語竟無五聲實誰謂八音所空成顛倒群徒

迷塵縛侶愍哉火宅中茲心良可去

如夢

祕駕良難辯司夢并成虛未驗周爲蝶安如人
作魚空聞延壽賦徒勞岐伯書潛令六識擾安
能二惑除當須耳應滿然後會真如

如影

朝光照皎皎久漏轉駸駸晝花斜色去夜樹有
輕陰並能興眼入俱持動惑心息形影方止逐
物慮恒侵若悟假名戈方知實相深

鏡象

精金宛成器懸鏡在高堂後挂七龍網前發四
珠光迥望疑隨月傍瞻壁壁璫仁壽含萬類淮
南辯四鄉終歸一念有何關至道場

懺悔

皇情矜幻俗聖德愍重昏制書開攝受絲綸廣
慧門時英滿君囿法侶盛天園俱消五道縛共
蕩四生冤三循祛愛馬六念靜心猿庭深伏彩
艷地寂伎聲喧上風吹法鼓垂齡鳴晝軒新梅
含采發落桂叢翻早燈藏石磴寒潮浸水門
一期蒙繡藉方願遣寵樊

虎窟山寺

細松斜繞徑峻嶺半巖天古樹無枝葉荒郊多
野棠花出黃鳥挂石下新泉蒼鬱均雙樹清靈
類八禪棲神紫臺上縱意白雲邊徒然嗟小藥
何由齊大年

旦出興業寺講

沐芳肅朝帶駕言祗淨宮羽旗承去影饒吹雜
還風吳戈憂服箭驥馬綠沉弓水照柳初碧煙
含蕊半紅見鶴徒知謬察象理還同方知惡四
辯奚用語三空

和會三教

聚沫多緣假標空非色香漢君雖起夢晉后桂
降祥玄機昔未辯洞鑒資我皇

夜望浮圖上相輪

光中辯垂帶霧裡見飛鸞定用方諸水持添承
露盤

卧疾

沉痾類弩影積弊似河魚詎逢龍子浴空歎楚
王趙

喜疾瘳

朝窓猶掩扇宿幔未懸鉤
逍遙臨四注兼持散
九愁雖同衛子憊聊喜摯生瘳
災星夜出境鳴禽晚去樓
蠲邪無賈服祆氣息梁牛隔簾蔭
粹篠映水含珠榴丹徑蘊玉笥
玄水出長洲結友尋方岳採藥
訪圓丘神隨七星變貌逐五雲
留飛鴻若可駕輕簪必易抽

鏡

錙銖恒在側誰言覽鏡稀
如冰不見水似扇長含暉
全開玳瑁匣併卷織成衣
脫入相如手疑言趙璧歸

羽扇

可憐白羽扇却暑復來氛終無願庶子誰爲一
揮軍

遊韋黃門園

息車冠蓋里停轡仲長園簷踈遠興積賓至羽
觴繁

夜遊北園

星芒侵嶺對月暈隱城樓暗花野不覺明波動
見流

臨後園

隱倫遊少海神仙入太華我有逍遙趣中園復
可嘉千株同落葉百丈共尋霞

山齋

玲瓏繞竹澗間關通槿藩缺岸新成浦危石久
爲門北榮下飛桂南柯吟夜狼暮流澄錦磧晨
水照綵鸞

還城

漢渚水初綠江南草復黃日照蒲心暖風吹梅
枝香征艫艤湯塹歸騎息金隍舞觀衣恒襞歌
臺絃未張持此橫行去誰念守空牀

登城北望

登樓傳昔賦出表前聞霸陵或回首河隄徒
望軍茲焉聊遠眺極目杳難分一水斜開岸雙
城遙共雲

和武帝宴

校尉開踈勒將軍定月支南通新息柱地屈武
陽碑豫遊戲馬館教戰昆明池銀塘瀉清渭銅
鈎引直漪常從良家子命中幽并兒金鞍飾紫
珮玉燕貼青驪車書今已共願奏雲停儀
祭壺今息鼓董察成開帷聊舉青龍陣正取絳

宮時犒兵隨後拒軟祭遂前師軍門初露節步
陳始分旗

望月

今夜月光來正上相思臺可憐無遠近光照悉
徘徊

浮雲

浮雲舒五色瑤瑤應霜天玉葉散秋影金風飄
紫烟

詠雪
顛倒韻

鹽飛亂蝶舞花落飄粉匳粉匳飄落花舞蝶亂
飛鹽

夕霽

連山卷族雲長林息衆籟密樹含綠滋遙峰凝
翠靄物花方入賞跂予心期會

春日

年還樂應滿春歸思復生桃含可憐紫柳發斷
腸情落花隨燕入游絲帶蝶驚邯鄲歌管地見
許欲留情

花開幾千葉水覆數重衣蝶颺縈空舞燕作同
心飛歌妖弄曲罷鄭女挾琴歸

春日看梅花

昨日看梅樹新花已自生今旦聞春鳥何啻兩

三聲凍解池開淥雲穿天半晴遊心不應動為
此欲逢迎

七夕穿針

憐從帳裏出相見夜窓開針歌疑月暗縷散怪
風來

九日侍皇太子樂遊苑

離光麗景神英春裕副極儀天金鏘玉度監撫
昭明善物宣布惠潤崑瓊澤熙垂露秋晨精曜
駕動宮園露點金節霜沉玉璣玄弋側影翠羽
翻暉庭迴鶴蓋水照犀衣蘭羞薦俎竹酒澄芬

千音寫鳳百戲承雲紫燕躍武赤兔越空橫飛
鳥箭半轉蛇弓

納涼

斜日晚駸駸池塘生半陰避暑高梧側輕風時
入襟落花還就影驚蟬乍失林遊魚吹水沫神
蔡上荷心翠竹垂秋采丹棗映踈砧無勞夜遊
曲寄此記微吟

日移涼氣散懷抱信悠哉珠簾影空捲桂戶向
池開鳥棲星欲見河淨月應來橫階入細筵蔽
地濕輕苔草化飛爲火蚊聲合似雷於茲靜聞

見自此歇氛埃

玄圃納涼

登山想劒閣逗浦憶辰陽飛流如凍雨夜月似
秋霜螢翻競晚熱蟲思引秋涼鳴波如礙石闌
草別蘭香

梁塵

依帷翠蒙重帶日聚輕紅定爲歌聲起非關團
扇風

漢水

雜色崑崙水泓澄龍首渠豈若茲川麗清流疾

且徐離離細磧淨藹藹樹陰踈石衣隨溜卷水
芝扶浪舒連翩瀉出櫟鏡徹倒遙墟聊持點纓
上於是察川魚

入溱浦

泛水入迴塘空枝度日光竹垂懸掃浪鳬疑遠
避檣

賦得橋

浮梁旣衝嶮通波信可陵乘空寓渭石跨岸擬
河冰斜闌隱濁霧布影入清澠方知歌綠水無
待榜蒼鷹

壞橋

虹飛亘林際星度斷山隅斜梁懸水跡盡柱脫
輕朱

石橋

惠子臨濠上秦王見海神寫虹便欲飲圖星逼
似真

美人

細樹含殘影春閨散晚香輕花髻畔墜微汗粉
中光鳬飛初罷曲啼鳥忽度行羞令白日暮車
馬鬱相望

麗且與妖嬈共拂可憐粧同安鬟裡揆異作額
間黃羅裙宜細簡畫屏重高牆含羞未上砌微
咲出長廊取花爭寶鑷攀枝念蕊香但歌聊一
鳴絲絃未肯張自矜心所愛三十侍中郎

內人晝眠

北窗聊就枕南簷日未斜攀鈎落綺障插換舉
琵琶夢笑開嬌靨眠鬟壓落花簞文生玉腕香
汗浸紅紗夫聳恒相伴莫誤是倡家

仰和新渝侯巡城口號

帝京風雨中層闕烟霞浮玉署清餘熱金城含

暮秋水光凌却觀槐影帶重樓

薄晚還涼北樓回望

平衢望如掌層雉暖相連斷雲留去日長山減
半天戲鳥乘汛下漁舟冒浪前

大同九年秋七月

高樓闢左扇回望依蘭橈晚風飄揚來落照參
差好

登錦壁

孫生酸棗寺王子枝江樓何如登石鏡因閒猶
豫遊

應令

蠡浦急兮川路長白雲重兮出帝鄉平原忽兮
遠極目江甸阻兮羈心傷樹廬岳兮高且峻瞻
派水兮去泱泱遠烟生兮含山勢風散花兮傳
馨香臨清波兮望石鏡瞻鶴嶺兮睇仙莊望邦
畿兮千里曠悲遙夜兮九迴腸顧龍樓兮不可
見徒送目兮淚沾裳

示晉陵弟

零雨岐路悲送歸臨水節時事雖為舛離憂等
閒別

曉思

晨禽爭學轉朝花
亂欲開爐烟入斗帳
屏風隱鏡臺
紅粧幾盡淚蕩子何當來

秋閨夜思

非關長信別詎是良人征
九重忽不見萬恨滿
心生夕門掩魚鱗宵床悲
盡屏迴月臨階度吟蟲繞砌鳴
初霜竇細葉秋風吹敗螢
故妝猶累日新衣襞未成
欲知妾不寐城外搗砧聲

春別

別觀葡萄帶實垂
江南荳蔻生連枝無情無意

又如此此心有恨徒別離

可憐淮水去來潮春堤楊柳拂河橋淚痕未燥
詎終朝行聞玉珮已相要
桃紅李白若朝粧羞持憔悴比新芳不惜暫住
君前死愁無西國更生香

傷美人

昔聞倡女別蕩子無歸期今似陳王歎流風難
重思翠帶留餘結苔階沒故基圖形更非是夢
見反成疑熏爐含好氣庭樹吐花滋香燒日有
歇花發無還時

傷離雜體

傷離復傷離別後情鬱紆悽悽隱去棹憫憫愴
還途戚戚意不申轉顧獨沾巾前驅徑御宿後
騎歷河湓胡香翼還憶清笳送復塵落日斜飛
蓋餘暉承畫輪柳影長橫路槐枝深隱人桂宮
夕掩銅龍扉甲館首垂雲母幃朧朧月色上的
的夜螢飛草香襲余袂露洒沾人衣帶堞凌城
雲亂聚排枝度葉鳥爭歸盤中綠蟻不能酌琴
間玉徽調別鶴乍聞千里別離聲絃調軫急心
自驚試起登南樓還向華池遊前時蓀生今欲

合近日裁荷尚不抽猶是啣盃共賞處今茲對此
獨生愁登樓望曖曖山川自分態偃師雖北
連輶轅已南背遠聽寂無聞遙瞻自有閔含毫
意不迷長嘆情無賴

倡樓怨節

朝日斜來照戶春鳥爭飛出林片光片影皆懸
一聲一轉煎心上林紛紛花落淇水漠漠苔浮
年馳節流易盡何爲忍意含羞

夜聽妓

合歡蠟燭念葉萱草忘憂條何如明月夜流風拂

舞腰朱唇隨吹盡玉釧極絃搖留賓惜殘弄負
態動餘嬌

詠舞

嬌情因曲動弱步逐風吹懸釵隨舞落飛袖低
鬟垂

登城

日影半東簷清念空杼柚小堂倦縹書華池厭
脩竹寂寞既寡悰登城望原陸遙山半吐雲嚴
飈時嚮谷靡靡見雲烟森森視寒木落霞乍續
斷晚浪時回復遠矚既滯翰徒自勞心目短歌

雖可裁緣情非霧縠

梁簡文帝集卷下終